



師竹齋吟箋  
余考所題

黃祖蔭

向張瑞欽校長致敬

廢寢忘餐殫力耕，高瞻計畫獲殊榮。  
風城父老齊歡喜，校友如雷喝采聲。



13屆同學畢業50周年聚會

半百重逢轉少年，黃金歲月願無邊。  
邦家氣象欣蓬勃，各獻才能卸仔肩。

葉榮嘉懷抱

藝術園區本葉家，尖新展覽令人譁。  
繁榮故里為回饋，禁鬻公開甚可嘉。

賀何念丹虎畫展

展畫猶疑張善孖，威風八面遠來茲。  
寅年喜卜其交炳，一嘯春回萬木蕤。

題陳文彬影集

夢幻當前鏡匣收，羚羊掛角跡能求。  
搜神且速丹青筆，美意隨機更暢流。



竹友合唱團成立並灌唱片

竹友初啼果不凡，CD響起動千巖。  
蘇翁莞爾幽泉下，樂教依然繼大咸。

註：大咸為周代所存六代樂之一。

彭商育老師

期頤在邇老園丁，矍鑠單騎每進城。  
白首高徒齊讚嘆，龍游虎躍是先生。

楊良平老師退休

黃金鑄腦智多星，括獎盈囊樹典型。  
屆退蒼生同不捨，辛園盼有念賢亭。

孫以濬返國

十大青年立楷模，今興鼎漢展鴻圖。  
黃金遠景需才急，報國先驅作鼓桴。

註：以濬曾當選美國十大青年

李歐梵指揮台大交響樂團

客席高揮有粉絲，多年宿願償何遲。  
文壇左手添佳話，不負青箱乃大師。

註：青箱指其家學，乃父李永剛為竹師及幹校  
音樂科主任。

退休19年聞驪歌

驪歌繾綣隔牆穿，講舌生苔憶似煙。  
昔日雕龍今活現，搖風羽扇蓋翻天。

註：執羽扇為於標幟，蓋字乃四十年前學生流  
行語。

劍道館

劍館今存有寸功，曾書搶救告諸公。  
如斯響應來朝野，已列風城古蹟中。

新世紀勉後學

巨匠衰垂繼有苗，何時後浪起高潮。  
當仁不讓收殘局，一展才華震壤霄。